

ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ

ԿԱՐԾԻՔ

Մեսրոպ Վարդանի Սահակյանի «ԵՐԵՎԱՆԻ ՓՈՔՐ ԿԵՆՏՐՈՆԻ ՎԵՐԱԱՐԺԵՎՈՐՄԱՆ ԳԵՂԱԳԻՏԱԿԱՆ ԽՆԴԻՐՆԵՐԸ» թեմայով ատենախոսության մասին՝ «Ճարտարապետություն» մասնագիտությամբ ճարտարապետության թեկնածուի գիտական աստիճանի հայցման ներկայացված ԺԸ.00.01՝ «Ճարտարապետություն» մասնագիտությամբ:

Մեսրոպ Սահակյանի Երևանի փոքր կենտրոնի վերաարժևորման գեղագիտական խնդիրներին նվիրված ատենախոսությունը կարող է գնահատվել որպես հրատապ անհրաժեշտություն ներկայացնող աշխատանք՝ թե՛ որպես քաղաքի ճարտարապետությանը վերաբերող գիտական ուսումնասիրություն, թե՛ քաղաքի կենտրոնի հուշարձանների պահպանությանը և պատշաճ ներկայացմանն ուղղված ձեռնակ, թե՛ զբոսաշրջության զարգացման հեռանկարների դիտարկում: Փոքր կենտրոնի վերաարժևորման խնդիրներն այսօր արդիական հշանակություն ունեն, քանի որ ներառում են իրենց մեջ բազմաթիվ հարցեր՝ այդ թվում գեղագիտական, որոնք ցանկալի է ներկայացնել նորովի՝ որպես ծրագիր, և հեղինակը կատարում է դա ամբողջական՝ համալիր ձևով, վերանայելով և վերակենդանացնելով քաղաքի այս հատվածի ճարտարապետական, հորինվածքային և գործառնությանն արժեքները մի միասնական գաղափարի միջոցով: Դա փաստորեն քաղաքի պատմական մասի արժեքների վերանայման և օգտագործման ծրագիր է, որը կոչված է բերելու դրա վերագարթոնքին ու վերակենդանացմանը:

Թեմայի կարևորությունը կրկնապատկվում է այն հանգամանքով, որ հեղինակն անդրադարձ է կատարում ոչ միայն կարևոր հուշարձանների վերականգնմանը, դիտարժան վայրերի և շենքերի վերակառուցմանը և արդիականացմանը, այլև վերջին տարիներին քաղաքի և կենտրոնի զարգացման համար իրականացված տարբեր պետական և տեղական ինքնավարության ծրագրային, օրենսդրական և նախագծային գործունեությանը ու փաստաթղթերի մշակմանը: Մանրամասնորեն ուսումնասիրելով տարբեր թվականներին ընդունված օրենքները, ինչպես և Երևանի 2005 թ. գլխավոր հատակագծը, քաղաքի կենտրոնի գոտեվորման և կառուցապատման նախագիծը և այլ փաստաթղթեր, հեղինակն անդրադառնում է կենտրոնի զարգացման ուղղությամբ կատարված ծրագրերին, որոնցից են «Հին Երևան», «Երևանի 2800-ամյակի այգի», «33-րդ թաղամաս», Կոնդի վերակառուցման նախագծերը, Հյուսիսային և Գլխավոր պողոտաների կառուցումը, Կասկադի զարգացման շարունակությունը, քաղաքապետարանի և այլ շենքերի վերջնական ձևավորման և շինարարության ավարտը և այլն: Այս հարցերն էլ ավելի ակտուալ են դառնում նոր ճարտարապետական կառույցների առկայության պայմաններում, քանի որ առաջ է գալիս ևս մի կարևոր խնդիր՝ նոր համալիրների ներգծվումը գոյություն ունեցող միջավայր, ինչպես և պատմական շենքերի վերականգնումը և դրանց համապատասխանեցումը արդի պահանջներին:

Այս բոլոր հարցերի լուծման ճանապարհին հեղինակը արդարացիորեն գտնում է, որ պետք է ուսումնասիրել և ներկայացնել այլ երկրների արդի փորձը, ինչպես և Հայաստանում կատարված բոլոր աշխատանքները, ինչը և բարեխղճորեն և մանրամասնորեն անում է: Մակայն ևս ազնվորեն նշում է, որ ողջ արվածի հետ մեկտեղ Երևանի «Փոքր

կենտրոնի» արդի այս կարևոր խնդիրները գործնականում պատշաճ մակարդակով դեռևս լուծված չեն: Ատենախոսը գտնում է, որ դա կապված է ներկայացվող խնդիրներին միասնական մոտեցման, այն է՝ գոյություն ունեցող միջավայրի գեղագիտական որակի համալիր գնահատման, դրանց վիճակի բարելավման և այլ հրատապ հարցերի հետ:

Նշված հարցերին Մ. Սահակյանը ցույց է տալիս հայեցակարգային մոտեցում, միջավայրի կազմակերպման համար անհրաժեշտ և նպատակային միջոցառումների իրականացման առաջարկություններ է անում:

Ատենախոսության նպատակն է վերլուծական քննության միջոցով ներկայացնել Երևան քաղաքի «Փոքր կենտրոնի» ճարտարապետական միջավայրի արդի խնդիրները և մի շարք առաջարկություններ անել դրանց վերաբերման ու գեղագիտական որակի բարելավման վերաբերյալ: Ատենախոսը մշակել է այս նպատակի իրագործմանը ուղղված հիմնական ուղիները. դրա ընթացքում կատարել է խոշոր քաղաքների կենտրոնների ճարտարապետատարածական զարգացման և վերաբերման գեղագիտական խնդիրների լուծման արտասահմանյան փորձի վերլուծությունը, Երևանի «Փոքր կենտրոնի» և պատմական միջավայրի տարբեր փուլերում զարգացման պայմանների և ճարտարապետական առանձնահատկությունների ուսումնասիրությունը, Երևանի «Փոքր կենտրոնի» ճարտարապետահատակագծային զարգացման ընթացքում գեղագիտական որակի վերաբերման հիմնական սկզբունքների և օրինաչափությունների բացահայտումը, Երևանի «Փոքր կենտրոնի» ճարտարապետական զարգացման և գեղագիտական որակի բարելավման վերաբերման հիմնական համալիր ուղիների վերաբերյալ առաջարկությունների մշակումը:

Նշված խնդիրների լուծման ուղիների ռազմավարության մշակումն ու ծրագրերի իրագործման ճանապարհների առաջարկությունները Մեսրոպ Սահակյանի աշխատությունը դարձնում են միանգամայն իրատեսական, անհրաժեշտ և նույնիսկ իրականացում պահանջող: Դրանով էլ պայմանավորվում են ատենախոսության թեմայի արդիականությունը և կարևորությունը:

Ատենախոսության մեջ բարձրացված հիմնախնդիրները բավականին լայն ընդգրկում ունեն՝ ներառած ճարտարապետության պատմությունը, այլ երկրների փորձի հետ համեմատական վերլուծությունը, սեփական մեթոդների մշակումը և ներկայացումը, համապատասխան գրականության ուսումնասիրությունը: Այս կարևոր խնդիրները ատենախոսը լուծել է հաջողությամբ:

Հեղինակի կողմից մանրամասն ուսումնասիրված են ատենախոսությունում ներկայացված հիմնավորումների հիմքում ընկած բոլոր գիտական դրույթները, որոնք ճիշտ են ու համոզիչ, իսկ հիմնավորման աստիճանն ունի պատշաճ մասնագիտական մակարդակ:

Վերը նշված բոլոր տվյալները, առաջարկները, համոզիչ եզրակացությունները և հանձնարարականները, անշուշտ, ներկայացնում են ակնհայտ գիտական նորույթ: Իսկ ստացված արդյունքները, անկասկած, կարևորություն են ներկայացնում ճարտարապետական գիտության համար: Կատարված ուսումնասիրության գիտական նորույթը կայանում է հետևյալում.

1. Աշխատությունում առաջին անգամ առանձնացվել են Երևանի «Փոքր կենտրոնի» արդի իրավիճակում վերաբժնորման հիմնական ուղղությունները,

2. Բացահայտվել են «Փոքր կենտրոնի» ճարտարապետահատակագծային զարգացման ընթացքում վերաբժնորման վրա ազդող հիմնական գործոնները, դրա սկզբունքները և օրինաչափությունները,

3. Մշակվել են «Փոքր կենտրոնի» բազմագործոն վերլուծության մեթոդաբանությունը, ինչի հիման վրա՝ վերաբժնորման համալիր սկզբունքների վերաբերյալ առաջարկություններ են ներկայացվել:

Հետազոտության մեթոդաբանությունը կայանում է մասնագիտական գրականության և արխիվային նյութերի, փաստաթղթերի, իրականացված և չիրականացված նախագծերի, քաղաքային ծրագրերի հավաքագրման և ամփոփման, համակարգային մոտեցման, համեմատական, իրավիճակային վերլուծությունների մեջ: Մեթոդաբանությունը իր հերթին բաղկացած է հետևյալ հիմնական փուլերից. վերաբժնորման օբյեկտների բացահայտում, վերաբժնորման օբյեկտների գնահատում և արժևորում, բազմագործոն գնահատում և իրավիճակային վերլուծություն, որի արդյուքում՝ վերաբժնորում:

Կարևոր է, որ «Փոքր կենտրոնի» վերաբժնորման մեթոդաբանության օրինակը կիրառելի է այլ քաղաքների կամ դրանց առանձին հատվածների համար:

Իր ուսումնասիրություններում ատենախոսը միասնական հայեցակարգային մոտեցում է ցուցաբերում դիտարկվող խնդիրներին և դրանց լուծմանը:

Ատենախոսության կառուցվածքը.

Ատենախոսությունն ունի կոտ կառուցվածք: Այն կազմված է 135 էջ տեքստային մասից և հավելվածներից: Տեքստային մասը ներառում է

ներածություն, երեք գլուխ, եզրակացություն և 102 անուն օգտագործված գրականության ցանկ:

Ատենախոսության սեղմագրում 22 էջի սահմաններում հայերեն շարադրված են աշխատության հիմնական դրույթները: Սեղմագրում ներկայացված են նաև տեքստի ռուսերեն և անգլերեն համառոտագրությունները, ինչպես և հեղինակի գիտական հրապարակումների 8 անունից բաղկացած ցանկը:

Ատենախոսության ներածության մեջ ներկայացվում են թեմայի արդիականությունը, նպատակը, խնդիրները, տեսական և մեթոդաբանական հիմքը, գիտական նորույթը, գիտական և գործնական նշանակությունը:

Առաջին գլուխը իրենից ներկայացնում է այլ երկրներում քաղաքների ճարտարապետատարածական զարգացման ուղիների և վերարժևորման գոյություն ունեցող փորձի ուսումնասիրությունը: Այստեղ հետազոտված է վերարժևորման, օբյեկտների վերականգնման և վերակառուցման իմաստն ու նշանակությունը՝ որպես ճարտարապետական, հորինվածքային և գործառութային արժեքների վերակենդանացմանն ուղղված գործընթաց և միջավայրի ներդաշնակության ստեղծման երաշխիք: Ատենախոսությունում առանձնեցված են յուրաքանչյուր տարածքի կամ օբյեկտի գեղագիտական որակի վերարժևորման արժեքի չորս հիմնական բաղադրիչները. վավերականություն, պատմական, արտաքին և ավելացված արժեքները:

Ատենախոսության երկրորդ գլուխը նվիրված է Երևան քաղաքի «Փոքր կենտրոնի» դիմագծի ձևավորման և գեղագիտական խնդիրների լուծման առանձնահատկությունների վերլուծությանը: Հեղինակը

մանրամասնորեն անդրադարձ է կատարում Երևանի կենտրոնի և պատմական միջավայրի զարգացման պայմանների ուսումնասիրության ընթացքում գեղագիտական կերպարի կերտման և խնդիրների լուծման առանձնահատկություններին՝ ժամանակագրական տեսակետից քաղաքի զարգացման տարբեր փուլերում: Աշխատությունում հատուկ տեղ է զբաղում Ալեքսանդր Թամանյանի կողմից 1924 թ. կազմած Երևանի գլխավոր հատակագծի կազմավորման հիմնական գործոնները և միջավայրի գեղագիտական արտահայտչականության առանձնահատկությունները:

Ատենախոսության 3-րդ գլխում դիտարկված են ճարտարապետահատակագծային միջավայրի վերարժևորման ուղիները և գեղագիտական խնդիրների լուծման հիմնական սկզբունքները: Հեղինակը ներկայացնում է Երևանի «Փոքր կենտրոնի» ճարտարապետատարածական միջավայրի արդիականացման ներկայիս իրավիճակը՝ ժամանակակից միջազգային փորձի համեմատական վերլուծության հիման վրա: Այդպիսով մշակվում և առաջադրվում է ճարտարապետական միջավայրի գեղագիտական որակի համալիր վերարժևորման մեթոդաբանությունը, ինչը հնարավորություն է տալիս բացահայտել վերարժևորման հիմնական սկզբունքները, չափանիշները և ուղղությունները՝ կախված միջավայրի առանձնահատկություններից:

Ատենախոսության հեղինակը մանրամասնորեն անդրադառնում է Երևանի «Փոքր կենտրոնի» ճարտարապետական միջավայրի արդիականացման առավել ուշագրավ նախագծային և ծրագրային առաջարկություններին, որոնց թվում՝ «Հին Երևանը», «33-րդ թաղամասը», «Կոնդ թաղամասի վերաբերյալ առաջարկները»: Նշված նախագծերը դիտարկված են իրենց բոլոր առանձնահատկություններով: Աշխատության

այս հատվածում բացահայտված է նաև քաղաքային լանդշաֆտին վերաբերող վերաբժնորման ենթակա օբյեկտների համակարգը: Հատուկ արժեք է ներկայացվում հեղինակի կողմից կատարված օբյեկտների դասակարգումը՝ ըստ բացահայտված պատկերային բովանդակությանը վերաբերվող ֆիզիկական ձևերի՝ ուղիների, եզրագծերի, շրջանների, հանգույցների, կողմնորոշող օբյեկտների: Հեղինակի աչքից չի վրիպել նաև տարածքի սոցիալական նշանակության գործոնը, դրա գործառույթները, պատմությունը, սեմիոտիկան:

Ատենախոսության եզրակացություններում, ամփոփելով ուսումնասիրության արդյունքները, հեղինակն արձանագրել է, որ ճարտարապետական միջավայրի գեղարվեստական կերպարի և դիմագծի պահպանման, ճարտարապետական, հորինվածքային և գործառութային արժեքների «վերակենդանացման» ամենաարդյունավետ ժամանակակից միջոցներից է պատմական քաղաքների կամ դրանց առանձին հատվածների վերաբժնորումը: Աշխատությունում բացահայտված են Երևանի «Փոքր կենտրոնի» ճարտարապետական միջավայրի արդիականացման և վերաբժնորման ներկա փուլի հիմնական պայմանները, որոնց թվում են վերակառուցումը, վերափոխումը և արդիականացումը՝ տարբեր միջոցներով: Մշակելով և ներկայացրելով ճարտարապետական միջավայրի գեղագիտական որակի համալիր վերաբժնորման մեթոդաբանությունը, հեղինակը ցույց է տվել, որ դրանց շնորհիվ է հնարավորություն առաջացել բացահայտելու վերաբժնորման հիմնական սկզբունքները, չափանիշները և ուղղությունները՝ միջավայրի առանձնահատկություններին համապատասխան:

Հետազոտության արդյունքները հավաստի են, քանի որ հիմնավորվում են բնօրինակային ուսումնասիրությունների, քաղաքաշինական և ճարտարապետական համալիրների, մշակութային ժառանգության հետազոտության, ինչպես նաև վերարժևորման ժամանակակից փորձի և մեթոդների կիրառման առաջարկների վրա:

Հետազոտության կիրառական նշանակությունը և հետազոտության արդիականությունը: Հեղինակի ստացած արդյունքները Երևան քաղաքի «Փոքր կենտրոնի» ճարտարապետական միջավայրի վերարժևորման վերաբերյալ այսօր առավել, քան հրատապ են, քանի որ բոլորիս աչքի առաջ կառուցված և կառուցվող ճարտարապետական նոր շինությունները ոչ միայն խաթարում են գոյություն ունեցող պատմական միջավայրը, այլև դրա հետ համապատասխանեցում են պահանջում: Առաջնահերթ խնդիրներից է նաև առկա շենքերի և շինությունների արդի պահանջներին հարմարեցումը, պատմական կառույցների վերականգնումը՝ հաշվի առնելով դրանց պատշաճ մակարդակի գործառութային գործունեությունը և տարածքի հատակագծային և ծավալատարածական կառուցվածքի ամբողջականության ապահովումը:

Ատենախոսությամբ ներկայացված համալիր հետազոտության արդյունքները կարող են օգտակար լինել նյութական մշակութային ժառանգության պահպանության, հուշարձանների ամրակայման և վերականգնման նախագծերի կազմման, ինչպես նաև Երևանի Փոքր կենտրոնին վերաբերող համապատասխան պետական քաղաքակաշինական ծրագրերի ձևավորման և մշակման ժամանակ: Ատենախոսության հիմնական դրույթները կարող են ընդգրկվել նաև համապատասխան ուսումնական հաստատություններում՝ «Ճարտարապետականության պատմություն» առարկաների դասավանդման

գործընթացում: Այն կարող է նաև նպաստել պետության տնտեսական զարգացմանը, քաղաքի կենտրոնին հաղորդելով նոր կարգավիճակ ու նշանակություն:

Կուզենայինք նշել մեկ ցանկություն. հետաքրքիր կլինեք իմանալ ատենախոսության հեղինակի ավելի հստակ կարծիքը կենտրոնի զարգացման որոշ ծրագրերով նախատեսված՝ շենքերին լրացուցիչ հարկերի ավելացման և գործառույթների կտրուկ փոփոխության հետ, որոնց մասին նա նշում է: Ճիշտ է, հեղինակը հավելում է, որ այդ փոփոխությունները պատճառաբանված են անհրաժեշտ ներդրումներ ստանալու պահանջով, սակայն ցանկալի կլինեք նաև իմանալ հեղինակի դիրքորոշումը կամ առաջարկությունները դրա վերաբերյալ:

Բնականաբար, ասվածը սկզբունքային նշանակություն չունի և ամենևին չի նսեմացնում աշխատանքի գիտական արժեքը:

ԵԶՐԱԿԱՑՈՒԹՅՈՒՆ

Ճարտարապետության թեկնածուի գիտական կոչումը հայցող ներկայացված ատենախոսությունն ավարտուն և պատշաճ մակարդակով կատարված գիտական հետազոտություն է, որը նորույթ է հանդիսանում հայ ճարտարապետական գիտության մեջ՝ հավաստի արդյունքներով հագեցած: Հեղինակի եզրահանգումները միանգամայն ճիշտ են և հիմնավորված, և նրա աշխատանքն արժանի է բարձր գնահատականի:

Ատենախոսության շարադրանքն ու ձևավորումը նույնպես կատարված են մասնագիտական բարձր մակարդակով: Ատենախոսության թեմայով հրատարակված հոդվածներն ու սեղմագիրը ամբողջությամբ արտացոլում են ատենախոսության բովանդակությունը:

Այս ամենը հիմք է տալիս եզրակացնելու, որ Մեսրոպ Վարդանի Սահակյանի «ԵՐԵՎԱՆԻ ՓՈՔՐ ԿԵՆՏՐՈՆԻ ՎԵՐԱԱՐԺԵՎՈՐՄԱՆ ԳԵՂԱԳԻՏԱԿԱՆ ԽՆԴԻՐՆԵՐԸ» թեմայով ատենախոսությունը լիովին համապատասխանում է գիտական աստիճանաշնորհման կանոնակարգի 6-րդ և 7-րդ կետերի պահանջներին, կարող է դիտարկվել որպես ներդրում հայ ճարտարապետության տեսության և պատմության բնագավառում, իսկ նրա հեղինակն արժանի է ճարտարապետության թեկնածուի գիտական աստիճանի՝ ԺԸ.00.01 «Ճարտարապետություն և ճարտարապետական դիզայն» մասնագիտությամբ:

ՀՀ Քաղաքաշինության պետական կոմիտեի Ալ. Թամանյանի անվան ազգային թանգարան-ինստիտուտի տնօրենի խորհրդական,
ճարտարապետության թեկնածու *Ա. Մ. Սեր-Մինասյան* Ա. Տեր-Մինասյան

Ա. Տեր-Մինասյանի ստորագրության իսկությունը հաստատում եմ:

ՀՀ Քաղաքաշինության պետական կոմիտեի Ալ. Թամանյանի անվան ազգային թանգարան-ինստիտուտի տնօրենի *Մ. Ս. Սարգսյան* Մ. Սարգսյան



Մ. Սարգսյան